

Rhybudd o Benderfyniadau **Cyfarfod y CABINET** a gynhaliwyd yn Neuadd Cyngor Ceredigion, Penmorfa, Aberaeron ac o bell ar **Ddydd Mawrth, 5 Gorffennaf 2022**

Cyhoeddir y Rhybudd hwn am 5.00pm Ddydd Iau, 7 Gorffennaf 2022. Y dyddiad olaf i dderbyn cais i alw unrhyw benderfyniad i mewn yw 5.00pm Ddydd Iau, 14 Gorffennaf 2022 drwy ei anfon at Bennaeth y Gwasanaethau Democrataidd. Daw'r penderfyniadau i rym (os na fydd yna gais dilys i'w galw i mewn) Ddydd Gwener, 15 Gorffennaf 2022.

YN BRESENNOL: Y Cynghorydd Bryan Davies (Cadeirydd), y Cynghorwyr Catrin M S. Davies, Clive Davies, Gareth Davies, Keith Henson, Wyn Thomas, Matthew Vaux ac Alun Williams.

HEFYD YN BRESENNOL: Y Cynghorwyr Steve Davies, Rhodri Evans a Gareth Lloyd.

(10.00am - 12.18pm)

12 Ymddiheuriadau

- i. Ymddiheurodd James Starbuck, Cyfarwyddwr Corfforaethol am nad oedd yn gallu bod yn bresennol yn y cyfarfod.
- ii. Ymddiheurodd Sian Howys, Swyddog Arweiniol Corfforaethol: Porth Cynnal am nad oedd yn gallu bod yn bresennol yn y cyfarfod.

13 Materion Personol

- i. Cydymdeimlwyd â'r Cynghorydd Sian Maehrlein a'i theulu ar ôl iddi gollu ei merch.
- ii. Mynegwyd cydymdeimlad â Rowland Rees-Evans, Uchel Siryf Dyfed (a chyn-Gynghorydd) a'i deulu ar ôl iddo gollu ei dad yn ddiweddar.
- iii. Cydymdeimlwyd hefyd â theulu Cen Llwyd, a fu farw'n ddiweddar.
- iv. Llongyfarchwyd pawb a gymerodd ran yn Nhaith Gyfnewid Baton y Frenhines drwy Geredigion.
- v. Llongyfarchwyd Dr Daniel Huws o Benrhyncoch ar gwblhau *A Repertory of Welsh Manuscripts and Scribes c.800 – c.1800*.
- vi. Llongyfarchwyd Meithrinfa Plas Gogerddan, a enillodd Wobr Meithrinfa'r Flwyddyn yng Nghymru yng Ngwobrau Cymdeithas Genedlaethol Meithrinfeydd Dydd yn ddiweddar.
- vii. Llongyfarchwyd Gareth Thomas ar gynrychioli Cymru yn erbyn De Affrica wrth chwarae rygbi yn ddiweddar.
- viii. Llongyfarchwyd yr holl fusnesau a gyrhaeddodd rhestr fer Gwobrau Busnesau Newydd Cymru 2022 yn ddiweddar. Enillodd Devil's Bridge Rum wobwr Busnes Bwyd a Diod Newydd y Flwyddyn.

14 Datgelu buddiannau personol / buddiannau sy'n rhagfarnu

Nid oedd unrhyw ddatganiadau o fuddiannau personol/ buddiannau sy'n rhagfarnu.

15 Cadarnhau Cofnodion Cyfarfod Blaenorol y Cabinet ac unrhyw faterion sy'n codi o'r Cofnodion hynny

Cadarnhau bod cofnodion Cyfarfod y Cabinet a gynhaliwyd ar 7 Mehefin 2022 yn gywir.

Materion yn codi: Nid oedd materion yn codi o'r cofnodion.

16 Unrhyw ddeisebau a dderbyniwyd

Dim.

17 Unrhyw benderfyniadau (os oes rhai) a alwyd i mewn gan y Pwyllgorau Trosolwg a Chraffu

Dim.

18 Unrhyw adborth gan y Pwyllgorau Trosolwg a Chraffu sydd ddim ar yr agenda

Dim.

19 Ystyried Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Siarad, Gwranddo a Gweithio Gyda'n Gilydd - Polisi Ymgysylltu a Chyfranogi drafft

PENDERFYNIAD:

Cytuno ar y Polisi Ymgysylltu a Chyfranogi Drafft a chymeradwyo y gellir cynnal ymgynghoriad cyhoeddus arno yn ystod haf 2022.

Y rheswm dros y penderfyniad:

Mae ein Polisi Ymgysylltu â'r Gymuned ar hyn o bryd yn dyddio o 2012 ac mae angen un newydd er mwyn ystyried dulliau newydd o ymgysylltu a deddfwriaeth a chanllawiau diweddar. Mae angen hefyd ystyried y defnydd cynyddol o ymgysylltu digidol.

20 Ystyried Adroddiad y Swyddog Arweiniol Corfforaethol Polisi, Perfformiad a Diogelu'r Cyhoedd ynghylch Cynnig i gynyddu'r Tariffau Prisiau ar gyfer Siwrneiau mewn Cerbydau Hacni

PENDERFYNIAD:

1. Derbyn y set o brisiau a gynigir gan y cwmnïau tacsis (Cynnig A).
2. Cytuno, yn unol ag Adran 65, Deddf Llywodraeth Leol (Darpariaethau Amrywiol) 1976, bod unrhyw brisiau arfaethedig yn cael eu hysbysebu'n gyhoeddus fel rhan o gyfnod ymgynghori statudol â'r cyhoedd a fydd yn para 14 diwrnod.
3. Os na dderbynnir unrhyw wrthwynebiadau, bydd y tariff prisiau (Cynnig A) yn dod i rym ar unwaith.

Y rheswm dros y penderfyniad:

- Er mwyn adolygu prisiau siwrneiau mewn cerbydau hacni oherwydd y cynnydd mewn costau tanwydd a chostau byw ac ystyried eu hamrywio.
- Er mwyn amrywio prisiau siwrneiau mewn cerbydau hacni yn unol ag Adran 65, Deddf Llywodraeth Leol (Darpariaethau Amrywiol) 1976.
- Er mwyn caniatáu i'r prisiau arfaethedig newydd gael eu hysbysebu'n gyhoeddus.

21 Ystyried Adroddiad y Swyddog Arweiniol Corfforaethol Ysgolion a Diwylliant ynghylch Asesiad o Ddigonolrwydd Gofal Plant 2022-2027

PENDERFYNIAD:

Cymeradwyo canfyddiadau'r Asesiad o Ddigonolrwydd Gofal Plant 2022-2027, a chymeradwyo'r Cynllun Gweithredu ac unrhyw Grwpiau Gorchwyl a Gorffen dilynol i fynd i'r afael â'r meysydd annigonol a nodir yn yr adroddiad. Gan gynnwys:

- Cymryd i ystyriaeth unrhyw anghenion Gofal Plant wrth ddatblygu adeiladau ysgol newydd neu bresennol.
- Cymryd darpariaeth Gofal Plant i ystyriaeth mewn unrhyw ddatblygiadau cynllunio presennol a newydd.
- Cydnabod bod darparwyr Gofal Plant yn rhan o economi sylfaenol Ceredigion.

Y rheswm dros y penderfyniad:

Cyflawni ein dyletswydd fel Awdurdod Lleol i gynnal Asesiad Digonolrwydd Gofal Plant llawn bob 5 mlynedd yn unol â Chanllawiau Gofal Plant Statudol 2016, a pharhau i adolygu'r asesiad trwy adrodd yn flynyddol i Lywodraeth Cymru.

22 Ystyried Adroddiad y Swyddog Arweiniol Corfforaethol Ysgolion a Diwylliant ynghylch Cynrychiolwyr yr Awdurdod Lleol ar Gyrrff Llywodraethu

PENDERFYNIAD:

Cadarnhau enwebu'r sawl a enwir yn yr adroddiad yn gynrychiolwyr yr Awdurdod Lleol ar Gyrrff Llywodraethu'r Ysgol berthnasol.

Y rheswm dros y penderfyniad:

Enwebu cynrychiolwyr yr Awdurdod Lleol ar Gyrrff Llywodraethu.

23 Ystyried Adroddiad y Swyddog Arweiniol Corfforaethol Porth Cymorth Cynnar ynghylch Asesiad o Ddigonolrwydd Cyfleoedd Chwarae Ceredigion 2022

PENDERFYNIAD:

Cymeradwyo Asesiad o Ddigonolrwydd Cyfleoedd Chwarae Ceredigion 2022 gan gynnwys y blaenoriaethau arfaethedig ar gyfer y Cynllun Gweithredu Chwarae 2022-2025, cyhyd â bod unrhyw benodiad newydd yn sgil y Cynllun Gweithredu yn destun achos busnes sy'n derbyn cymeradwyaeth prif swyddogion y Cyngor yn yr un modd â phob swydd arall.

Y rheswm dros y penderfyniad:

I alluogi'r awdurdod lleol i fodloni ei rwymedigaethau o dan adran 11(1) o Fesur Plant a Theuluoedd Cymru 2010 o ran cyfleoedd chwarae.

24 Ystyried Adroddiad y Swyddog Arweiniol Corfforaethol Gwasanaethau Democraidd ynghylch Adroddiad Monitro Safonau'r Gymraeg 2021-22

PENDERFYNIAD:

- Cymeradwyo Adroddiad Monitro Blynyddol Safonau'r Gymraeg Cyngor Sir Ceredigion (2021-22).

- Cymeradwyo bod Adroddiad Monitro Blynyddol Safonau'r Gymraeg Cyngor Sir Ceredigion (2021-22) yn cael ei gyhoeddi ar wefan y Cyngor yn unol â dyletswydd statudol.

Y rheswm dros y penderfyniad:

Dyletswydd Statudol yn unol â Mesur y Gymraeg 2011.

25 Ystyried Adroddiad y Swyddog Arweiniol Corfforaethol Cyllid a Chaffael ynghylch Polisi Sicrwydd a Bondiau Corfforaethol gydag adborth gan y Pwyllgor Trosolwg a Chraffu

PENDERFYNIAD:

- (i) Bond a geir mewn arian parod yw dewis y Cyngor.
- (ii) Mae bond sy'n cael ei sicrhau gan drydydd parti yn ei gwneud yn ofynnol i'r trydydd parti fod â statws credyd Moody's o A3 neu statws credyd gyda Standard & Poor's neu Fitch o A-.
- (iii) Cymeradwyo'r Polisi Bondiau a Sicrwydd (Atodiad 1).
- (iv) Nodi'r adborth o'r Pwyllgor Trosolwg a Chraffu Adnoddau Corfforaethol; fodd bynnag, nid oedd y Cabinet yn cefnogi'r argymhelliad i gynnal rhestr o bersonau sy'n gymwys i fod yn fondman.

Y rheswm dros y penderfyniad:

Sicrhau y gellir cael gafael ar fondiau'n hawdd a'u defnyddio'n hawdd os oes angen a bod bondiau a sicrhawyd gyda thrydydd partïon yn cael eu llunio â thrydydd partïon â statws credyd uchel yn unig er mwyn diogelu sefyllfa'r Cyngor.

26 Ystyried Adroddiad y Swyddog Arweiniol Corfforaethol Cyllid a Chaffael ynghylch Y Rhaglen Gyfalaf 3 Blynedd ddiweddaraf - 2022/23 i 2024/25

PENDERFYNIAD:

Cymeradwyo'r Rhaglen Gyfalaf 3 Blynedd diwygiedig ar gyfer 2022/23 i 2024/25, fel y'i hamlinellir yn Atodiad A.

Y rheswm dros y penderfyniad:

Cymeradwyo'r Rhaglen Gyfalaf 3 blynedd ddiweddaraf

27 Nodi Adroddiad y Swyddog Arweiniol Corfforaethol Cyllid a Chaffael ynghylch Perfformiad Rheoli'r Trysorlys 2021/22

Nodwyd yr adroddiad.

28 Nodi Adroddiad y Swyddog Arweiniol Corfforaethol Cyllid a Chaffael ynghylch Adroddiad Aildro'r Rhaglen Gyfalaf

Nodwyd yr adroddiad.

29 Nodi Adroddiad y Swyddog Arweiniol Corfforaethol Cyllid a Chaffael ynghylch Grantiau a ddyfarnwyd o dan Gynllun Grantiau Cymunedol Ceredigion/ Cronfa'r Degwm

Nodwyd yr adroddiad.

- 30 **Nodi Adroddiad y Swyddog Arweiniol Corfforaethol Porth Cynnal ynghylch Adroddiad Diogelu Grwp Gweithredol Lleol ar y Cyd CYSUR/CWMPAS Chwarter 3 2021/22**
Nodwyd yr adroddiad.
- 31 **Unrhyw fater arall y penderfyna'r Cadeirydd fod arno angen sylw brysgan y Cabinet**
Dim.

**Cadarnhawyd yng Nghyfarfod y Cabinet a gynhaliwyd ar 26 Gorffennaf
2022**

Cadeirydd:_____

Dyddiad:_____